

中国名山志



中国文献珍本丛书

中国名山志(六)

全国图书馆文献缩微复制中心



序

三峨秀麗甲於震旦四望無可
偶者正東一點青色如煙相傳
爲匡廬君也匡廬一名天子鄣
又名天子都蓋尊之也其山居

名月一
江湖之會禹貢東滙澤爲彭蠡
潯陽爲九派自有天地以來江
湖之滙此爲最勝其山之勝全
以泉泉在康王谷名曰谷簾泉
陸羽茶經品谷簾爲天下第一

在中泠惠泉之上從可知矣先
是晉慧遠從雁門來云此山類
靈鷲峯託跡東林於時有宗炳
雷次宗劉程之等號十八高賢
共真信之士結白蓮社故晉代

名山惟匡廬最著以其有永遠
宗雷及陶謝諸公故也自是而
後李白讀書五老峯下白樂天
有香爐峯草堂之建蘓子瞻子
由有三峽橋棲賢之遊蓋當是

時遊屐所至勝情逸韻莫踰於
諸子者矣至若陶淵明悠然見
南山卽匡廬也而不露廬山一
字陶之詩卽廬山之真面目也
噫嘻洞天福地多矣國家投金

龍玉簡於天下名山洞府如王
屋委羽等三十六洞天如地肺
抱犢等七十二福地非不名勝
然未有如廬山之詠真洞天爲
江湖都會外九江而內彭蠡之

爲最勝與王屋小有清虛之天
委羽大有虛明之天同一光明
景曜上真登封之地信不虛也
曩閱桑子木廬山紀事恨遺文
截失如周景式陳舜俞戴師愈

諸紀傳皆不及見卽有之亦僅
存什一於千百余不敏讀書棲
賢寺者十餘年忝主白鹿洞者
三年又葬先孝義於山中每登
頓之際見百年之內遺文往往

散失浩歎者久之會燕山粲叟
吳公視學吾土慨然獨任修葺
其蒐羅之博考訂之精古人無
以復踰又得淮南李子鏡月共
事凡山之遠近原委無一不流

覽山之古今撰述無一不采擇
余憶前此與王季重遊與譚友
夏遊余雖未與粲叟公及鏡月
遊而讀其書又如與之同遊矣
莊生云逃空虛者聞人足音則

蚤然而喜矧吾豫章之名山若
匡廬者而得是書爲之傳述其
不朽盛事俾余輩狂熹更何如
者遂書此以爲之序

康熙戊申孟冬上浣部內閩風

山人南州李明睿撰時年八

十有四



序

太史公封禪書紀天下名山稱
華山首山太室太山東萊此五
山黃帝之所常游與神會與虞
書所載五嶽異攷之載祀五嶽

之外則首匡廬云匡廬山跨九
江南康二郡距京師數千里余
生長北平欲一遂登眺之願而
無由得至歲丁未奉

命校士西江自幸與匡廬有夙緣

抵會城卽訪求桑子木先生紀
事一書并舊刻廬山詩文諸編
南康九江諸誌偕同志續爲編
輯懼其散佚而不備也摺接衆
籍務該務廣懼其雜而不醇也